

णमो जिणाणं पागद-भासा

प्राकृत-भाषा

पाउअ-भासा

पाइअ-भासा

PRAKRIT LANGUAGE

Year-1 | Volume-2 | The First New Paper in Oldest Indian Prakrit Language, Hon. Editor : Dr. ANEKANT KUMAR JAIN

भारददेसस्स पहाणमंति णरिंदमोदी वि पाइअभासम्मि बोल्लइ

पाइअभासा जणभासा अत्थि। जे पाइअभासं ण जाणति ते वि वट्टमाणे काले



णियभासम्मि जदा कया पाइअसद्दा बोल्लंति जदोहि पाइअभासाणई अवरिलं वहइ। बुहेहिं कहिअं चावि उत्तरपच्छिमभारहस्स भासाणं जणणी पाइअभासा अत्थि। उत्तरपच्छिम-भारहीया अम्हे सव्वजणा अम्हाणं भासासु पाइअसद्दा बोल्लामो। पाइअभासं बोल्लंता जणा वि ण जाणति जं अम्हे पाइअभासं बोल्लंता म्हो। जदोहि पाइअभासा लोगस्स भासा अत्थि, जणभासा अत्थि। ण केवलं जणा पाइअ-भासं बोल्लंति किंतु जे उच्चपसासगा संति, रसपुरिसा संति तेवि सहजरूवेण पाइअ-भासं बोल्लंति। एवमेव अम्हाण भरहदेसस्स पहाणमंति सिरि णरिंदमोदी जदा सव्वपढमं गुज्जरदेसस्स विहाणसहं मुइऊण आगच्छंतो आसी तथा सोपत्थाणिज्ज-समये णिये उब्बोहणे कहीअ, जं अज्ज गुज्जरदेसं मुइऊण हं इंदपत्थं गच्छेमि। अत्थ सासणकालं जाव भवाणं समक्खं जो किं पि अवराहो जाओ तस्स किदे “मिच्छा मे दुक्कडं” यहीं शासन दरम्यान जे भूलों थई तेने लक्ष्मां राखीने मिच्छा मे दुक्कडं कहीने माफी मांगू छू। तमे बधा मने माफ करजो। इत्थं गुज्जरभासम्मि पाइअसद्दं बोल्लीअं अम्हाण पहाणमंति। इमो विसयो गोरवस्स विसयोअत्थि। इमाए भासाए पआरो सव्वे विस्से भोदु। पाइअस्स साहिच्च-रक्खणं हवदु। अम्हे सव्वे मेल्लिय पाइअभासाए रक्खणत्थं सया उज्जमसीलो हवेम। जणजागरणमवि अम्हेहि करणिज्जं। सव्वे पढंतु पाइअभासं, लिहंतु पाइअभासं चिंतणे वि पाइअभासा इदि मे भावणा अत्थि। - Dr. Dharmendra Jain, R.S.S., Jaipur



‘णिसंतो’ IAS परिक्खाए सव्वोच्च

णइ दिल्ली, लोगसहाए रट्टभासाए णिजुत्ता ‘णिसंत जइण’ रट्टभासा ‘हिण्ड’ मज्झमेण IAS परिक्खाए सव्वोच्च ठाणं लहइ। एगम्मि सक्खक्कारम्मि णिसंतो उत्तं-‘जइण दंसणस्स अणेयंत वायस्स णाणं मम सव्वोच्च ठाणं दत्तं। ‘णिसंतो’ सुट्टु कइ वि अत्थि। सो पाइय भासाए वि रुइ अत्थि। एस सुहावसरम्मि तं

‘पागद-भासा’ परिवार पक्खतो सुहयामणा। - Smt. Ruchi Jain, Publisher

पाइअभासा-साहिच्चकज्जसाला संपण्णा

दिल्ली, वल्लहम्हारगपरिसरे ठिए भोइलाल लहेरचन्द संखइ विज्जामंदिरस्स



सत्ताबीसा गिम्ह पाइअ भासासाहिच्च कज्जसाला संपन्ना आसी। दोसु वगेसु-पारोभिओ उच्चो अ - संचालिए इमाए कज्जसालाए संपुण्णभारहवासाओ बयालीसपडिभाइणो आगच्छीअ। समगदेसे पइट्टिए इमाए पाढसालाए वण्णमालाओ आरंभइत्ता हेमचन्दवागरणं अहिअच्च पाइअभासाए गहिरं णाणं एक्कवीसे दिअे पडिभाईणं दिन्नं। एत्थ अज्झावणकज्जं देसस्स लद्धपइट्टपाइयविउणो काही-आयरिय गआयरण तिवाढी, आयरिय फुल्लचंदो जइण पेमी, आयरिय धम्मचन्दो जइण, आयरिय जयकुमारो जइण, आयरिय कमलेस कुमारो जइण, आयरिय जिणिन्दो जइण, आयरिय असोअ कुमारो सींह, डॉ० अणेयन्त कुमारो जइण। कज्जसालाए अंतं लिहिअ मोहिअं च परिक्खा आयोजिआ। जाए अणुसारेण परिक्खाए पढम-विइय तइय-ठाणलद्धाणं पडिभाईणं पारितोसिआई अईहिहिं दिण्णं। एआउ उग्घाडण - समारोहं लालबहादुर शास्त्री विस्सविज्जालयस्स कुलवई आयरिय रमेस कुमारो पाण्डेय मुख्खाइही आसि। समावणसमारोहे आयरिय दीप्ति तिवाठी मुख्ख अइहिस्स पयं सुसोहिअं ॥ कज्जसाला अईव सहला जाया।

Dr. Ashok Singh, BLII, Delhi

पाइय जुव रट्टवई पुरक्कारो - 2014



भारहदेसस्स सवोच्च-गायरिआ रटठवइ हिं महोअगेहिं अमुम्मि वरिसम्मि (2014) जइण - विस्स भारदी-संठाणस्स पाइअ - विज्जा एवं भासा विभागस्स सह-आयरिया समणी डॉ. संगीअ-पन्ना पालि-पाइअस्स जोयदाणे महरिसी वायरायणावास सम्माणेण

सम्माणीआ जाआ। - Dr. Vandana Mehta, JVBI, Ladnun (Raj.)

सव्वभासाणं जणणी 'जणभासा पाइअ'

जणाणं भासा जणभासा त्ति उच्चइ । महाकइ वप्पइराअए सइयम्मि 'गउडवहो' त्ति णामकं पाइअ महाकवम्मि पाइअभासं जणभासा रूवणं सीकयं।

भारअस्स सव्व भासाणं उप्पपइ पाइअभासत्तो होइ । उत्तं य-

'सयलाओ इमं वाआ विसंति एत्तो य णोति वायाओ ।

एति समुहं चिय णेति सायराओ च्चिय जलाइं ॥

-गाहा 93

महाकई रायसेहरो वि बालरामायणम्मि उत्तं- 'यद्योनि किल संस्कृतस्य सुदृशां जिह्वासु यन्मोदते' (10/78) -त्ति वक्कयए पाइअं सक्कयस्स जोणी (उप्पइ ठाणं) णिद्धिं। कथ्थरुवए पाइअभासाणं पाइअणा णिस्सिदं णत्थि किंउ इमाए भासाए साहित्तं सयणा ईसं छट्ठसयपुव्वमेव मिलइ।

सम्माड असोअस्स सिलालेहाणं य भासा पाइयं अत्थि। कलिंगणरेस रण्णा खारवेलस्स हत्थिगुम्फा सिलालेहोवि पाइय भासाए अत्थि।

आयरियेण भरअेण वि णाडग सत्थे पाइयभासाणं अणेग भेद-पहेद पदंसण पुव्वअं णाडए तासां विणियोओ कडं। तहा अ भासाणं संखा सत्त (7) णिद्धारिओ। जथा-

मागध्यवन्तिजा प्राच्या शूरसेन्यार्द्धमागधी ।

वाह्लीका दाक्षिणात्या च सप्तभाषा प्रकीर्तिता ॥

(नाट्यशास्त्रम् 48/63)

पाइय - पयासयारो वररुइ - अणुसारेण तु पाइयं - 'प्राकृत - पैशाची - मागधी - शौरसेनी भेदेन चतुर्द्धा भवति। तासु पैशाची मागधी च शौरसेनी प्राकृतस्य विकृति, प्रकृतिः शौरसेनी त्युभयत्रदर्शनात्।' (पाइय-पयासो, पस्तावणा, पिट्ट - 3)

रुद्धो वि कव्वालयारे उत्तं-

'प्राकृतसंस्कृतमागधपिशाचभाषाश्च शौरसेनी च। षष्ठोऽत्र

भूरिभेदो देशविशेषादपभ्रंशः ।' (2/12)

मक्कण्डस्स वि 'पाइयसव्वस्स' गंथम्मि भासा - विभासा- अपभंस, पेसाइ-भेदत्ता भासा चउद्दा विहत्ता। तत्त भासा अ महरुट्टी - सौरसेणी-पच्चा-अवन्ती-मगही भेदेणं पंचणहं ।

अहमगही तु मगहीं एव समाविद्धं। विभासा तु साआरी चाण्डाली - साबरी-आभीरिइ- साखी भेदत्ता पंचणहा। अपभंसो आही, दिविडीं च विना सत्तविंसइहा अ विभत्ता।

तहागअ बुद्ध वयणाणं भासा पालि त्ति उच्चइ। पालि वि एगं पाइयमेव।

एसा पाइयभासस्स सरूवं अत्थि। हालकइणं गाहासत्तसइ कव्वम्मि सुट्ठु अत्तं-

अमिअं पाउअकव्वं पढिउं सोउं अ जे ण आणांति।

कामस्स तत्त तत्तिं कुणांति ते कह ण लज्जंति ॥

(गाहासत्तसइ 1/2)

Dr. Anekant Kumar Jain
L.B.S.R.S.V, New Delhi

दव्वसंगहम्मि जीवसरूवं

दव्वसंगहो णाम पाइयगंथो आयरियणेमिचंदविरइयसत्थोत्थि। इमा रयणा दसमसदीए विरइदा। जेणहदंसणे सत्थं इमं अइप्पसिद्धं वट्टदे। एदम्मि गंथे जेणहदंसणस्स सारं विज्जदे। लहरुवा वि अणुवमा किदी अत्थि। गंथमज्झे सव्वत्थ विसयवत्थुवण्णं लक्खणियसेलीइ किदं। पतेगं लक्खणं दव्वभावावेक्खाए य ववहारणिच्छयदिट्ठीए णिरूविदं। णिच्छयववहारदिट्ठीए जेणहपरंपराए अज्झप्पजगम्मि दव्वसंगहो अइप्पयलिदो जादो। गंथे अट्ठपण्णासा गाहा सति।

गंथस्स आरंभे मंगलायरणे आयरियणेमिचंदमुणी विस्सं लक्खिय पढमं दव्वं विस्सं , त्ति कधेदि। अत्थ खलु दव्वसदे पमाणमवि लक्खिज्जइ। जीवमवि दव्वं, अजीवमवि दव्वं कधणे णयो वि सिज्जइ। तदो सव्वण्हूसरूवं लहिज्जइ-जथा-देविंदविंदवदं जिणवरवसहेण जेण णिद्धिं। अत्थ सव्वण्हूसरूवं सुसिद्धमेव। भत्तिसरूवमवि पढमगाहाए उवलहिज्जइ। तं सव्वण्हु वंदे-पणमामि, केण पयारेण-सिरसा मत्थेण णमणपुव्वेण सव्वदा सया णमामि। तदणंतर दव्वसंगहे जीवसरूवो णवविहेण वण्णिदो। विविहदंसणियमदपुव्वयं जीवलक्खणं णिद्दोसमत्थ परूविदं। जथा-

जीवो उवओगगमओ अमुत्ति कत्ता सदेहपरिमाणो।

भोत्ता संसारत्थो, सिद्धो सो विस्ससोड्ढगई ॥

(दव्वसंगहो, गाहा-2)

वुत्तगाहाए णेगवियारगाण णिरायणपुव्वयं वण्णणं वट्टदे।। णेयायिअदंसणिगो मुत्तजीवं णाणदंसणरहिअं मण्णइ। चव्वाओ चेदणसहिददव्वं ण अणुमण्णदे। भट्टचव्वायदंसणं जीवं णिच्चं मुत्तियं त्ति कहइ । संखदंसणे अप्पा कत्ता ण वुच्चइ। णेयायिअ-मीमांसग-संख-दंसणाइ अप्पं सरीरप्पमाणं न वुत्त सग-अत्तं हिययकमलट्ठिदवडबीयादिसमं मण्णिरे। बोद्धदंसणं आदं खणिअं णिरूवइ। सदासिवमदो अप्पं सया सव्वण्हूरहिदं मण्णइ। भट्टचव्वाआ अप्पं सिद्धं मण्णते। एदाणं सव्वमदाणं खण्डणस्स वुत्तगाहाए णवविसेसणाणं कधणमत्थि। दव्वसंगहे सव्वत्थ णयपमाणेहिं वत्थुणिरूवणं करीअ। जथा-

तिक्काले चदुपाणा, इदियबलमाउआणपाणो य।

ववहारा सो जीवो, णिच्छयणयदो दु चेदणा जस्स ॥

(दव्वसंगहो, गाहा-3)

अत्थ पढमबिदियचरणे तिक्काले चदुपाणा त्ति कधणे पमाणेण जीवस्स लक्खणं सिज्जइ। तदीय-चउत्थ-चरणे ववहारणिच्छयणयाणं उल्लेहो विज्जए य।

अट्ठ चदुपाणादंसण, सामण्णं जीवलक्खणं भणियं।

ववहारा सुद्धणया सुद्धं पुण दंसणं णाणं ॥

(दव्वसंगहो, गाहा-6)

एदाए गाहाए वि पुव्वद्धे उत्तरद्धे च पमाणणयेहिं वण्णणं देखिज्जइ। एवमेव थले थले पमाणणयाणं णामं वट्टइ। दव्वसंगहो जीवलक्खणं णेअगाहाहि किच्चा जगम्मि जीवत्थिच्चं परूवेइ।

वण्णरसपंचगंधा(दव्वसंगहो, गाहा-7), सहो बंधो सुहुमो...

(दव्वसंगहो, गाहा-16) इच्चाइत्थले भोईअविण्णाणस्स संदब्भो लहिज्जइ।

पुढविजलतेउवाऊ.. (दव्वसंगहो, गाहा-11), समणा अमणाणेया...(दव्वसंगहो,

गाहा-12), ठाणे जीवविण्णाणस्स, वणप्फइविण्णाणस्स च सुण्हपद्धइए वण्णीअ।

- Dr. Dharmendra Jain, Project officer-Prakrit, R.S.S., Jaipur

Book Review गंधसमिक्खण-

सोहपत्तं - Research Article

महादव्वसंगहस्स पागदवित्ति पयासिदं

आइरियणेमिचंदमुणिणा विरइयं 'महादव्वसंगहो' महाण गंधो अत्थि। अस्स गंधस्सोवरि एलाइरिय (वट्टमाण आइरिय) सुदसायर मुणिणा विरइयं 'पागदवित्ति' - ति टीआ भारइय णाणवीठेण पयासिदं अत्थि। अस्स गंधस्स सहसंवाअओ एलाइरिय पण्णसायरो मुणिणायो तथा च डॉ. उययचन्दो जइण, पं० सोणलो सति।

उयाहरणरूवेण पढमस्स गाहाए मंगलायरणस्स पागदवित्ति इत्थं पयारेण अत्थि -

“जीवमजीवं दव्वं, जिणवर-वसहेण जेण णिहिट्टं ।

देविंद - विंद - वंदं, वंदे तं सव्वदा सिरसा ॥

अन्वय - जेण जिणवर-वसहेण जीवजीवं दव्वं णिहिट्टं देविंद-विंद-वंदं तं सव्वदा सिरसा वंदे।

पदखंडण-रूव वक्खाणं - वंदे इच्छेवमादि- किरिया- कारग-संबंध-पद-खंडणरूवेण वक्खाणं णादव्वं। किं वंदे ? तं जिणवर वसहं वंदे जिणवरा गणहरादी, तेसिं वसहो पहाणो तेण जिणवरवसहेण जेण णिहिट्टं कहिदं। किं णिहिट्टं ? जीवमजीवं दव्वं णिहिट्टं। अणाहि-कालादो अण्णणरूवेण जीवाजीवादिव्वेसु मए एयत्तबुद्धिं किदं एवं च संसारे भमिदं। परं दाणिं भगवदा जिणवरवसहेण जीवं अजीवं भिण्णं णिहिट्टं । तेण कारणेण च जीवाजीवेसु भेद-विण्णणं संजादं। जहा अमिदं चंदाइरियेण कहिदं -

“भेदविज्ञानतः सिद्धाः, सिद्धाः ये किल केचन।

अस्यैवाभावतो बद्धा, बद्धा ये किल केचन ॥”

तेण कारणेण हं वंदे णमामि कहं भूदं जिणवरवसहं ? देविंदविंदवंदं पुणो देविंदसमूहेण वंदिदं। कदा ? सव्वदा तिव्काले ति। केण ? उत्तमगेण सिरसा।

गंधस्स णाम	- महादव्वसंगहो
कत्ता	- आइरियणेमिचंदो
पागदवित्ति	- एलाइरिय सुदसायर मुणिणायो
पयासओ	- भारइय णाणवीठो, णव दिल्ली
पढमं सक्करणं	- 2013
गंधमाला	- मुत्तिदेइगंधमाला
मुल्ल	- 160 रुवयो

- Dr. Arihant, University of Mumbai

‘टोक्यो’ णयरम्मि पागद-भासा

11.04.2015, जावाणदेसस्स रायहाणी ‘टोक्यो’ णयरम्मि ‘पागद-भासा’ समायार



पत्तस्स संवादगो डॉ. अणेयंत-कुमार-जइण ‘पागद-भासा’ पत्तस्स पयार-पसार किदं। तत्थ जइण समायस्स पमुख सावया अस्स अवलोयणं तथा च अणुमोदणं कियवंतो। -Dr. Shuddhatma Prakash, Director-Somaiya Jain Centre, Mumbai

हालकइ-विरइया गाहासत्तसई

भारदीयवाङ्मये एगो एव एरिसो गंधो अत्थि, जो वत्थुदो धम्मणिरवेक्खो-वट्टदि। सो य गंधो ‘गाहासत्तसई’ इदि। एयम्मि कव्वे विसुद्धिसिंगारस्स चित्तणं अत्थि, ण दु राहाकिणहस्य सीया-रामस्स वा सिंगारचेट्टा वणिणदा। एयम्मि विजोगपक्खे पुव्वरागस्स, माणस्स पवाससाहणस्स गुणसुणणस्स चित्तदंस्सणस्स विजोगीजणाणं कामदसाणं सममगवण्णणं विज्जदि। अस्सि बव्वे गाम्लिलजीवणस्स सरलतमचित्तणं वि वट्टदि। गमिल्ला णायरविलाससागगीए वंचिदा, परं ते पेम्म-दया-सुजणदा-णिट्टादिगुणेहिं संजुत्ता सति। पच्चेवगाथाए चमक्कारेण तस्सा हडगे एरिसो उल्लासो जादो जओ सा तणु-अंगी गामस्स वित्थिणमगगे वि ण समाजदि। किसगवई सगुव्विणी भारियं दोहदाहिलासं पुच्छदि, परं सा अत्थाहावकट्टं वइमहोदयो णाणभवदीदि वियारेण केवलं जल-इच्छा कधेदि।

वणघोर वुट्ठि होदि। कुडीरे जलं भरदि। किसगभारिया सपियसुत्तरक्खत्थं तदुवरि आणता होदुण जलबिन्दू ससिरे घेप्पदि। एत्थ कवि कप्पेदि जओ सा मूढा इदं ण जाणादि जओ तस्सा णयणपडिदं अंसुजलेण एव सा पुत्तं जलमइअं करेदि। एवं ममता करुणा य एगस्सि सुत्ते कइणा बद्धा किदा। एयम्मि कव्वे आहीरभज्जाणं पेम्मगाहा गामबधूणं सिंगार-चेट्टा चक्कपेसणकरेगाणं जुवईणं रुक्खसिंचमाण्णं सुंदरीणं जुवग-जुवतीणं विभिण्णकीडाणं विग्गात्तगं वित्तगं किदं। गिम्हरिपुणा उम्हकारणादो परिदो एगो विचित्तो भावो उप्पणो। जथा-

गिरसोत्ते ति भुअंगं महिसो जीहइ लिहइ संततो।

महिसस्स कहवत्थरझरोत्ति सप्पो पिअइ लाल ॥

6/51

गिम्हसंतावसंततो महिसो गिरिसोत्तं परिणाय सप्पं जिब्भा लिहदि; सप्पोवि तं किण्हपासाणणिज्जरं मत्ता महिसलालावाणं करेदि। एत्थ कइणा गिम्हभयंकरताए चित्तणं किदमत्थि।

एवं पायारेण गाहासत्तसईए भावाणं अपुव्वचित्तणं वट्टदि। इयं सत्तसई सक्कयमुत्तगकव्वस्स उवजीव्वा अत्थि । एगत्थ लिहिदमत्थि- “एवं च अस्मिन्मुक्तककाव्यजगति एतदवधिप्रसिद्धेषु ग्रन्थेषु गाथासप्तशत्येव सर्वेषां मुक्कमकाव्यानामादिम उपजीव्यश्चेति सिध्यति।।”

कालिदासादि सव्वे सक्कयकवी गाहासत्तसईए, विज्जलग्गाए अदीव पभाविदा सति। मेघदूतस्स कइवयअंसा वज्जालग्गादो गिहीदा सति।

- Dr. Nemichandra Shastri



अरहंत-भासियत्थं गणहर-देवेहिं गंधियं सम्मं।
पणमामि भत्ति-जुत्तो सुदणाण-महोवहिं सिरसा॥

With Best Compliments from
SHRI KESHAVDEV JAIN
5, Anandpuri, Kanpur (UP)

UNITED ENGINEERS
Undertaking : Manufactures of Steel Tubular Poles & Pipes

UNITED AGENCIES
Builders & C&F Agent of Anchor Electrical

सुहामुणिदं वंदामि णिच्चं



णिग्गंथरूवं रयण-ति-जुत्तं, किच्चापरत्तं इंदिय-विजित्तं।

अडं च बीसं च गुणाण जुत्तं, सुहामुणिदं वंदामि णिच्चं ।।1।।

सज्झाणलग्गं भवभोग मुत्तं, विज्जा-सुसिस्सं दस धम्म-जुत्तं।

आसा-विरत्तं वच्छल्ल-मुत्तं, सुहामुणिदं वंदामि णिच्चं।।2।।

विमलं चरित्तं धीरं गंभीरं, पीयूषवयणं अण्णाण-रित्तं।

एसाण किच्चं सेट्ठं पवित्तं, सुहामुणिदं वंदामि णिच्चं।।3।।

मोक्खस मग्गम्मि पयाणवत्तं, अज्झप्पलीणं साहू-वरिदं।

ठिदं पदम्मि परमेट्ठिरूवं, सुहामुणिदं वंदामि णिच्चं।।4।।

खमादि-जुत्तं मिच्छत्त-मुत्तं, अप्पाम्मि रत्तं परिजण-विरत्तं।

सण्णाणजुत्तं मय-मोह-रित्तं, सुहामुणिदं वंदामि णिच्चं।।5।।

विसुद्ध सम्मभावेण वंदेइ, मुणिपुंगवप्पदं।

तस्स पावा खयं जति, लहइ सव्वं हि संपदं।।6।।

- Pt. Abhay Kumar Jain, Beena MP

भगवन्त-महावीर-अंतरद्विय सोहकेंदस्स ठावणा



Executive Director, Bhagwan Mahaveer International Center
Prof. Chaitanya Prajna

जइणविस्सभारईसंठाणेण (मण्णविस्सविज्जालयं, लाडणू) पढमस्स अणुसासुणो आयरित्तुलसीगणिणो जम्मसयदीए अवसरे (Bhagwan Mahaveer International center for Scientific Research & Social Innovative Studies") णामेण सोहकेंदं ठाविज्जीअ। इमम्मि चउराण पमुहविसयाण उवरिं सोहकज्जं होहिइ-

1. जइणइइहासो, संसकिई, साहिच्चं य। 2. जइणतत्तमीमंसा, णाणमीमंसा, णायसत्थं य। 3. जइणविण्णाणं गणियं य। 4. जइण - आयारो, पज्जावरणं य। सोहकेंदस्स उग्घाडणावसरे संठाणस्स कुलसइवमहोयएण डॉ. अणिलधरेण सोहकेंदस्स पढमोणुगगाफो" Compendium on Science & Mathematics in Jainism", डॉ. अणुवमजइणेण "जइणविज्जाए गणिज्ज-विचारण विगासस्स इइहासो" आयरियमहासमणो समाप्पिज्जीअ। सोहकेंदस्स ठावणाए सह "जइणदरिसणे विण्णाणं गणियं य" विसयम्मि बे-दिवसाण कज्जसालाए आयोअणं वि हुवीअ। संठाणस्स वट्टमाण- अणुसासुणो आयरियसिरिमहासमणस्स, कुलवइमहोययाए समणीचारित्तपण्णाए, निददेसियाए समणीचइतन्नपण्णाए, परामरिसयसमिईए सम्माणिज्जाण जणाण चिन्तणेण मग्गदरिसेण य भगवन्त-महावीर- अंतरद्वियसोहकेंदो जइणविज्जाए वइण्णाणिय - अणुसंधाणस्स, सामाइय - अज्झयणस्स य खेत्तम्मि णव कीत्तिमाणं ठाविओ करिहिइ। अवि य, जइणविज्जाए खेत्ते संलग्गाण सुहीण सोहत्थीण य इमं एगं पमुहं केंदं होहिइ। इइ सुहभावणा।

-Samini Samyaktva Prajna, JVBI, Ladnun

पागद इसगालरस्स सोसायटी बीयं अहिवेसणं एवं रट्ठिया विचारगोट्ठी संपण्णा



उदयपुरणयरे जून मासस्स 20-21/6/2015 तिहिए पागद इसगालरस्स सोसायटी आव इण्डियाए बीयं वस्सिगं अहिवेसणं परमपुज्जस्स पागदकविणो पणम्मसायरमुणिणो ससंघपावणसण्णिद्धे सोसायटीए रट्ठियअज्झक्क-महोदयस्स आयरिय-पेम्मसुमणजइणमहाभागस्स अज्झक्कदाए सम्पण्णं। इमम्मि अहिवेसणे देसस्स पमुहणगराणं पण्णास पागदविज्जजणा सम्मिलिदा। तेसु जयपुरणयरादो आयरियो कमलेसकुमारो, आयरिया सुसमा सिंघवी, डा. धम्मंदकुमारो, डा. सुमदकुमारो, डा. सुदंसनमिस्सो, डा.अमिदकुमारो, बम्हचारिणी चंदपहा, अहमदाबादणयरादो आयरिया सलोनी जोसी, आयरियो दीनानाहसम्मा महाभागो णवदिल्लीणयरादो डा. कल्पनाजइण, इच्चाई सोसायटीए सदस्सविज्जजणा सम्मिलिदा। उदयपुरणयस्स आयरियो पेम्मसुमणजइणमहाभागो, आयरियो देवकोठारी, आयरियो पारसअग्गवालो, आयरियो णंदलालकच्छारा, आयरियो उदयचंदो, आयरियो हुगमचंदो, आयरियो जिणेंदकुमारो, आयरियो , डा.जोतिबाबू, डा.सरोजजइणा, डा.राजेसकुमारो, डा.विकास चोधरी, डा.पिउजइणा, एवं विभागस्स अणेग सोहछत्तजणा इमम्मि अहिवेसणे सम्मिलिदा। इमम्मि अहिवेसणे पागदस्स सिक्खणं -दसा एवं दिसाओ विसये रट्ठियविचार गोट्ठी वि आयोजिदा।

इमम्मि अहिवेसणे एवं रट्ठियविचार गोट्ठीए जनहिदाए पढमबारं भारतीयभासाणां आहारभूदा जणभासा पागदं इदि पत्तगं सहाए विदरणं किदं। इमम्मि अहिवेसणे विज्जजणेहिं अहोलिहिदाओ अणुसंसाओ पारिदाओ-

1. राजट्ठाणे 'राजस्थान प्राकृत' अकादमीए ठावणा करिदव्वा।
2. राजस्थान माध्यमिक शिक्षा बोर्ड पट्ठकमे पागदभासाए सिक्खणं हविदव्वं।
3. संपुण्णदेसे विभिण्णठाणे पागदविज्जा पाठसालाओ संचलिदाओ।
4. अप्पकालीन पागदसिबिराणं आयोजणं णियमिदरूवेण करिदव्वं।

इमम्मि अहिवेसणे परमपुज्जपागदकविणा पणम्मसायरमुणिणा मंगलं उववोहणाणि वि उवलद्धाणि। सुखाडियाविस्सविज्जालयस्स जइणविज्जा पागदविभागेण एवं च उदयपुरस्स हिरणमगरी पंचमसेक्टरे संचालिदाए सिरीसंतिणाहदिगंबरजइण मंदिरसमिदीए इमस्स अहिवेसणस्स रट्ठियविचार गोट्ठीए च संपुण्णा सागदववत्था किदा।

-Prof. Jinendra Jain
M.S. University, Udaipur (Raj)

सक्कय भासाए विकासे जइण परंपराए अवदाण

सक्कय साहिच्चस्स समिद्धीए जइण परंपराए बहुमुल्लजोगदानस्स मुल्लंकणकत्तु



दिल्ली ठिओ भोगीलाल लहेरचंद संठाणं दिल्ली सक्कय अकादमी, दिल्लीसव्वकारस्स य संजुते ततावहाणे वल्लहम्हारअ जइण मंदिर परिसरे तिही सतावीसा-अउणतीस पञ्जत्त मार्च मासे बिसहस्सोत्तरं पण्णरस वासे एआ संगोद्वी आयोजिआ आसी। इमाए संगोद्वीए समत्थ भारहदेसाओ पन्नासा लब्धपइहेहिं विउसेहिं चउदहे सत्तेसु पत्तवायणं काही। इमाए संगोद्वीए जइण आयरिहिं विसालसक्कय जइण साहिच्चस्स कव्व- महाकव्व - छंद - वागरण - कोस - गणिअ-जोइस-आउव्वेअ-अज्झत्त-दंसण-वत्थू-णाण-विण्णाण-कला-संबधि किईणं परिचयं पत्थुअं। सव्वाणं विउसाणं एक्कसरेण इमं सम्मई आसी विउला साहिच्चपरंपरा अवस्समेव उवेक्खिया। अमूए मूल्लंकणस्स विकासस्स च रायकिज्जं सामाजियं च पयासं आवस्सगं वच्चइ। उग्घाडणसत्ते अज्झक्खपयं जे. वी. साहेण सुसोहियं। समारोहस्स मुखअइही उत्तराखंड सक्कय वीसविज्जालयस्स कुलवई महावीर अग्रवाल आसी। संठाणस्स णिदेसगो डॉ. गयाचरण तिवाढी महोदएण अइहीणं सागयं कासी। संगोद्वी संयोजगो संठाणस्स सिक्खा णिदेसगो डॉ० फुल्लचंदो जइण आसी। संगोद्वी अईव सहला जाया। - Dr. Ashok Kumar Singh, B.L.I.I, Delhi

पागद-भासा पढमं अंअस्स विमोयणं

णई दिल्ली, 04.04.2015 'कनॉट प्लेस' ठिदं सिरि दियम्बर जइण महासहा कज्जालयम्मि 'पागद-भासा' समायार पत्तस्स विमोयणं महासहा अय्यक्खो सिरि-णिम्मल-सेठी महोययेणं होसी। अवसरम्मि तत्थ उवठिदो सव्वे महाणुहाओ



अणुमोदणं किदं। सिरि-णिम्मल-सेठी दिल्ली-सरआरं पाइय-अआदमी ठावणा पइ णिवेयणं किदं। पागद-भासा विमोअणं अवसरम्मि भारदवस्सीय दिअम्बर जेण महासहाओ अय्यक्खो सिरि - णिम्मल - सेठी - महाभागेहिं 'पागद-भासा' पढमो समायारपत्तस्स पोस्साहणरासि एगारह सहस्स रूवयणं घोसणा किदं। तेसिं सद सद साहुवादं। -Dr. Indu Jain, DDI, AIR, New Delhi

पागदसाहिच्चे सिरिरामचरियविसये विसिट्ठं वक्खाणं

णइदिल्ली 24.04.2015, सिरिलालबहादुरसस्तिथ - रट्ठियसक्कय- विज्जावीढ - नवदिल्लीए पागद भासा विहागेण सिरिविज्जाभूसणटिट्ठस्स सहयोगेण सिरि



विज्जाणंदपागद तदियवाक्खाणमालं सिरि कुंदकुंदभारदी सोहसंठाणे परमपुज्जसिरि विज्जाणंदायरियस्स ससंचपावणसणिण्णद्वे सम्पण्णं किदं।

इमम्मि वाक्खाणमालाए पउमसिरि आयरिय रमाकान्तसुक्कमहोदयेण पागदसाहिच्चे णिरुविदं सिरिरामचरिदविसये सारगब्भिदं वाक्खाणं पदत्तं। सिरि कुंदकुंदभारदीसोहसंठाणस्स णासीजणेहिं अदिहिमहोदयाणं अहिणंदणं किदं। इमम्मि समारोहे आयरिय राजकुमारजइणमहाभागं एकलक्खरूवगेण सह आजुरवेदमहोदहि उवाहिं अवि पदत्तं। इमम्मि अवसरे अमेरिकादेसादो आगदा डागदर णीदाजइणमहोदयाए वि सवियारं पदत्तं।

सिरि विज्जाणंदपागद तदियवाक्खाणमालस्स बीयं सत्तं रट्ठिय सक्कय-विज्जावीढस्स वाचस्पदिसहागारे आयरिय इच्छारामद्विवेदीमहाभागस्स अज्झक्खदाए सम्पण्णं। इमम्मि अवसरे संकायपमुहेण आयरिय वीरसागरमहाभागेण धण्यवादं अप्पिदं। समारोहस्स संयोजकमहोदयेण सहायरिय जयकुमारेण सिरिविज्जाभूसणटिट्ठस्स उद्देसमवि पगडीकिदं। समारोहे सहायग आयरिया कल्पनाजइणमहोदयाए एवं विहागस्स, संकायस्स सव्व छत्त-छत्ताण अज्झावगणाण वि पुण्ण सहयोगं उवलद्धं।

Dr. Kalpna Jain, LBSRSV, New Delhi

वत्थु विसये सोहप्पबंधो

जइण अणुसीलण केन्दो राजट्टाण विस्सविज्जालयस्स जयपुरेण डॉ. सयेन्दकुमार जेणो "मंदिर, मुक्ति भवणवत्थुअ एक्क अज्झयण (तिलोयपण्णत्ति विसेस सन्दब्बो)" विसयस्स दंसणविहायस्य डॉ. राजेन्द्रपसाद सरमणो णिहेसणम्मि 2014 तमम्मि वसम्मि सोहप्पबंधो लिहदूण विज्जावारिहि ति उवाही पत्तो। वट्टमाणकाल पञ्जत्तं डॉ. सयेन्दकुमार जइण जइणधम्मदंसणस्स वेज्जाणितो तथा जइण दंसणम्मि पज्जाणुवयो एवं भारतीय दण्ड संहिता गन्थाणं लेहनं तथा कोसल्ला राम, पवयणमज्जूसा भाग-1, 2, समाहिमरणोस्साहदीपयं, जिणधम्म पवेसिया, कहकोसो समीहातमक-अज्झयण गन्थाणं सप्पादणं कयो। वट्टमाणे डॉ. सयेन्दकुमार जइण रट्ठिय सक्कय संट्टाणस्स नवदेहली मुखालयम्मि संचालियो पाइ-पाइय अज्झयण जोजणा वइट्ट अणुसंधाता ति पदे कज्जरदो अत्थि।

Dr. Darshana Jain, RSS, New Delhi

Prakrit Story पाइय-कहा

विउसीए पुत्तबहूए कहा

कम्मि वि नयरे लच्छीदासो नाम सेट्टी वरिवट्टइ। सो बहुधणसंपत्तीए गव्विट्ठो आसी। भोगविलासेसु एवं लग्गो कयावि धम्मं न कुणेइ। तस्स पुते वि एयारिसो अत्थि। जोव्वणे पिउणा धम्मिअस्स धम्मदासस्स जहत्थनामाए सीलवईए कन्नाए सह पाणिग्गहणं पुत्तस्स कारावियं। सा कन्ना जया अट्टवासा जाया, तया तीए पिउपेराणाए साहुणीसगासाओ जिणेसरधम्मसवेणण सम्मतं अणुव्वयाइ च गहियाइ, जिणधम्मे अईव निउणा संजाया।

जया सा ससुरगेहे आगया, तया ससुराई धम्माओ विमुहं दट्टूण तीए बहुदुहं संजायं। कहं मम नियवयस्स निव्वाहो होज्जा? कहं वा देवगुरुविमुहाणं ससुराईणं धम्मोवएसो भवेज्जा? एवं सा वियारेइ एगया 'संसारो असारो, लच्छी वि असारा, देहो वि विणस्सरो, एगो धम्मो च्चिय परलोगपवन्नाणं जीवामाहार' ति उवएसदणेण नियभत्ता जिणधम्मणे वासिओ कओ। एवं सासूमवि कालंतरे बोहेइ। ससुरं पडिबोहिउं सा समयं मग्गेइ।

एगया तीए घरे समणगुणगणालंकिओ महव्वईनाणी जोव्वणत्थो एगो साहू भिक्खत्थं समागओ। जोव्वणे वि गहीयवयं संतं दंतं साहुं घरमि आगयं दट्टूण आहारे विज्जमाणे वि



तीए वियारियं - 'जोव्वणे महव्वयं महादुल्लहं, कहं एएण एयमि जोव्वणे गहीयं? ति' परिकखत्थं समस्साए पुट्टं - 'अहुणा समओ न संजाओ, किं पुव्वं निग्गया?' तीए हिययगयभावं नाऊण साहुणा उत्तं - समयनाणं - कया मच्चू होस्सइ ति नत्थि, तेण समयं विणा निग्गओ।

सा उत्तरं नाऊण तुट्टा। मुणिणा वि सा पुट्टा - 'कइ वरिसा तुम्ह संजाया?' मुणिस्स पुच्छाभावं नाऊण वीसवासेसु जाएसु वि तीए 'बारसवास ति उत्तं'। पुणरिव 'तं सामिस्स कइ वासा जाय' ति? पुट्टं। तीए पियस्स पणवीसवासेसु जाएसुवि 'पंचवासा' उता, एवं सासूए 'छम्मासा कहिया'। ससुरस्स पुच्छाए सो 'अहुणा न उप्पन्नो अत्थि' ति। एवं बहू-साहुणं वट्टा अंतरट्टिण ससुरेण सुआ। लद्धभिवखे साहुमि गए सो अईव कोहाउलो संजाओ, जओ पुत्तबहू मं उट्टिस्स 'न जाउ' ति कहेइ। रुट्टो सो पुत्तस्स कहणत्थं हट्टं गच्छइ। 'गच्छंतं सुसुरं सा वएइ - भातूण हे ससुर! तुमं गच्छसु। ससुरा कहेइ जइ हं न जाओ म्हि, तया कहं भेयणं चव्वेमि- भक्खेमि' इअ कहिऊण हट्टे गओ।

पुत्तस्स सव्वं वुत्तंतं कहेइ- 'तव पत्ती दुरायारा असम्भवयणा अत्थि, अओ तं गिहाओ निक्कासय'। सो पिउणा सह गेहे आगओ। बहू पुच्छइ - 'किं माउपिउणं अवमाणं कयं? साहुणा सह वट्टाए किं असच्चमुत्तरं दिण्णं?' तीए उत्तं - 'तुम्हे मुणिं पुच्छह सो सव्वं कहिहिइ'।

ससुरो उवस्सए गंतूण सावमाणं मुणिं पुच्छइ- 'हे मुणे! अज्ज मम गेहे

भिक्खत्थं तुम्हे किं आगया?' मुणी कहेइ - 'तुम्हाणं घरं न जाणामि, तुमं कुत्थ वससि?, सेट्टी वियारेइ 'मुणी असच्चं कहेइ'। पुणरवि पुट्टं- कस्स वि गेहे बालाए सह वट्टा कया कि? मुणी कहेइ - 'सा बाला जिणमयकुसला, तीए मम वि परिकखा कया'। तीए हं वुत्तो 'समयं विणा कहं निग्गओ सि।' मए उत्तरं दिण्णं - समयस्स 'मरणसमयस्स' नाणं नत्थि, तेण पुव्ववयमि निग्गओ म्हि। मए वि परिकखत्थं सव्वेसिं ससुराईणं वासाइ पुट्टाइ। तीए सम्मं कहियाइ।

सेट्टी पुच्छइ - 'ससुरो न जाओ इस तीए कहं कहियं?'। मुणिणा उत्तं - 'सा चिय पुच्छिज्जउ, जओ विउसीए तीए जहत्थो भावो नज्जइ! ससुरो गेहं गच्चा पुत्तबहुं पुच्छइ- 'तीए मुणिस्स पुरओ किमेवं वुत्तं - 'मे ससुरो जाओ वि न'। तीए उत्तं - 'हे ससुर! धम्महीणमणुसस्स माणवभवो पत्तो वि अपत्तो एव, जओ सद्धम्मकिच्चेहिं सहलो भवो न कओ सो मणुसभवो निपफलो चिय। तओ तुम्ह जीवणं पि धम्महीणं सव्वं गय' तेण मए कहिअं - 'मम ससुरस्स उप्पत्ती एव न।' एवं सच्चत्थनाणे तुट्टो सो सेट्टी धममाभिमुहो जाओ।

पुणरवि पुट्टं - 'तुमए सासूए छम्मासा कहं कहिआ?'। तीए उत्तं 'सासु पुच्छह'। सेट्टिणा सा पुट्टा। ताए वि कहिअं - 'पुत्तबहूण वयणं सच्चं, जओ मम जिणधम्मपत्तीए छम्मासा एव जाया। जओ इओ छम्मासाओ पुव्वं कत्थ वि मरणपसंगे अहं गया। तत्थ थीणं विविहगुणदोसवट्टा जाया। एगाए वुट्टाए उत्तं - 'नारीणं मज्जे इमीए पुत्तबहू सेट्टा, जोव्वणवए वि सासूभत्तिपरा धम्मकज्जमि सएव अप्पमत्ता, गिहकज्जेसु वि कुसला, नन्ना एरिसा। इमीए सासू निब्भग्गा, एरिसीए भत्तिवच्छलाए पुत्तबहूए वि धम्मकज्जे पेरिज्जमाणावि धम्मं न कुणेइ। इमं सोऊण व गुणरजिआ हं तीए मुहाओ धम्मं पावित्था। धम्मपत्तीए धम्मासा जाया, तओ पुत्तबहूए छम्मासा कहिया, तं जुत्त'। पुत्तो वि पुट्टो, तेग वि उत्तं - 'रतीए सययधम्मोवएसपराए भज्जाए 'संसारासारदसणेण भोगविलासाणं च परिणामहुहदाइत्तणेण, वासानईपूरतुल्ल - जुव्वणेण य देहस्स खणभंगुरत्तणेण जयमि धम्मो एव सारुति' उवट्टिओ हं जिणधम्माराहगो जाओ, अज्ज पंच वासा जाया। तओ बहूए मं उट्टिस्स पंचवासा कहिया, तं सच्चं'। एवं कुडुंबस्स धम्मपत्तीए वट्टाए विउसीए पुत्तबहूए जहत्थ-वयणं सोऊण लच्छीदासो वि पडिबुद्धो वुट्टत्तणे वि धम्मं आराहिअ सग्गइ पत्तो सपरिवारो। -Prof. Prem Suman Jain, Prakrit Swayam Shikshak

बाहुबली सामी शुदि

बाहुबली सामी, तुमं लोय सामी।

मूरती संतिआ, पइदिण सिमरामो ॥

आदिणह पुत्तरो, भरदस्स भायरो।

भायरं ण जिदइ, सव्वरज्ज सव्व दाइ ॥ 1 ॥

सुणंदादेविआ, गम्भेण जम्मिय ।

अणुवम कीरदि, आणेइ लोयम्मि ॥ 2 ॥

दिट्ठिऊं अणुजो, होईअ अगजो ।

होइ विवेगवंदो, बहुसह होऊण ॥ 3 ॥

संतिआ वयणं, उज्जल णिलयं ।

विस्सस्स आदरसं, तुज्ज य दरसणं ॥ 4 ॥


बेलगोल रायो, अणंत तेयो ।

विस्सट्ट धवल पडम, तुज्ज पायाणि ॥ 5 ॥

- Dr. Shanti Sagar, University of Mysore

22 अप्रैल 2015 आयरिओ विज्जाणन्दस्स जम्मदिवसावसरम्मि
बंभलिविओ संरक्खओ आयरिओ विज्जाणन्दो

Dr. Munni Pushpa Jain, SS University, Varanasi



॥ सिरिसीयलणाह संधवो ॥

देविंदणइंदणरिंदणायगो तेलोक्कतेयालपयत्थजाणगो।
साहुस्स गेहिस्स य मग्गदेसगो सीयलगाहणामगो
॥१॥

तण्हाछुहाजम्मजरारुजामदा व्हेणिणइरइरायरोसगा।
सेदो य खेदो भयमोहविम्हया चिंता य मिच्चू ण हू तिथ्थणायगे ॥२॥

दिव्वज्झुणी चामरुक्खदुंदुभी वुट्ठी पसूणाण मइंदविट्ठुरं।
छत्तयं भावलं जिणेसिणो णणत्थ लोए जह भागुणो करा ॥ 3 ॥

हेट्टुट्ठिया जस्स पदस्स धूलिया णिच्चं तदो गच्छइ इंदमत्थगे।
तप्पायपोम्मब्भमरो व्व हं तदा किं णो गमिस्सामि तिलोयमत्थगे ॥४॥

जिणस्स बोहेण णिजस्स बोहेणं णिजस्स बोहेण य सम्मदंसणं।
तदो हु सम्मं चरियं च णाणयं सया जिणो मे हियएत्थु सीयलो ॥ 5 ॥

अणंतणारणं च अणंतदंसणं अणंतसोक्खं च अणंतवीरियं।
णिया विहुई खलु जस्स एरिसी जिणस्स णं तस्स णमोत्थु भत्तिदो ॥६॥

हिमं ण चंदो ण च चंदणं तथा ण ओसहं किंचिवि सीयलं हवे।
भवगिसंतत्तजणस्स मे परो ण सीयलादो जिणदो हु सीयलो ॥ 7 ॥

ण भत्तिभावो वयणाण गोयरो जदो ण भावाण हु वण्णमालिया।
तहावि रोमंचसुलोयणस्सुदो जुदो णमंसामि जिणिंदसीयलं ॥८॥

भद्विलपुरे भगवदो इंदकया उस्सवा हु संजादा।
अत्थ ठिएण मए पुण भत्तीए सुथुओ देवो ॥ 9 ॥

-Kshullak Dhyan Sagar ji

बाहुबलि-थोत्तं

णमामि भावणासहिदं, रिसहदेव जिणेस्सरं।
करेमि बाहुबलि-थोत्तं, सव्वकज्जस्स सिद्धीए ॥

हे रिसहपुत्त पहु बाहुबली, सुणंदा देवि य मादु भाली।
भरदेस्सर चक्की बंधू तुह, बहिणी बंधी सुंदरी य सुणह ॥१॥

हे तक्खसिला णिव बाहुबली, हे पोयणपुर णिव बाहुबली।
जय कम्मे सूरु बाहुबली, जय धम्मे सूरु बाहुबली ॥२॥

अहिमाणमेरु हे बाहुबली, चक्कीमयभंजण बाहुबली।
हे दिट्ठीजुद्ध जय बाहुबली, हे णीरजुद्ध जय बाहुबली ॥३॥

हे मल्लजुद्ध जय बाहुबली, पुण धम्मजुद्ध जय बाहुबली।
हे जगजेदा पहु बाहुबली, पुण आदविजेदा बाहुबली ॥४॥

णिस्सल्लो मल्लो बाहुबली, देहादिविरतो बाहुबली।
वेरग्गमुत्ति जय बाहुबली, जय महातवस्सी बाहुबली ॥५॥

जय तिहुवणतिलयं बाहुबली, जगदस्स आहारो बाहुबली।
जय सत्तिकंतिजुद बाहुबली, जय सत्तिकंतिपद बाहुबली ॥६॥

बाहुबली तुह णिच्छ बली, लोए ण हि अण्णो को विजली।
तुह बाहुबली ण हि आदबली, तुह णाणबली तुह ज्ञाणबली ॥७॥

तुह लोए मंगल बाहुबली, तुह लोए उत्तम बाहुबली।
तुह लोए सरणं बाहुबली, पणमउं चरणं तुह बाहुबली ॥८॥

तुह णंतबली णिग्गंथबली, ज्ञाणाणंतर केवली सु बली।
जय सिद्धसिला णिव बाहुबली, जय जय जय जय जय बाहुबली ॥९॥

हं पणमउं पद तुह बाहुबली, हं पि होस्सामि बाहुबली।
जो ज्ञायदि मणसा बाहुबली, सो होस्सदि णिच्छय बाहुबली ॥१०॥
इदं बाहुबली-थोत्तं, जो पइदिणं पडिज्जदि।
तस्स दुक्खाइं णास्संति, सव्वमुक्खं य पावदि ॥

- Prof. Veersagar Jain, LBSRS Vidyapeetha, New Delhi

महावीर, सयंभू पुरक्कारं सम्माण

अपेल माहम्मि 2015 सिरि दियम्बर अइसय खेत सिरि महावीरजी
(राअट्टण) खेतम्मि वासिय मेलावसरम्मि डॉ. धम्मेन्द जेण्हं महावीर पुरक्कारं
2014, तथा च डॉ. दंसणा जेण्हं सयंभू पुरक्कारं 2014 तेन पुरक्कारेण संमाणियो
कयो।
-Dr. Satendra Jain, R.S.S., New Delhi



णमो जिणाणं
जिद भवाणं

With Best Compliments from

SHRI ABHAY KUMAR JAIN
SMT. KUSUM LATA JAIN



ABHAY MEDICALS
Baruasagar, Jhansi (UP)




जयदु पाइयं

जयदु भारहं

We are requesting to
C.M.Mr. **ARVIND KEJRIWAL JI**
to establish the
'PRAKRIT ACADEMY' in Delhi

Best Compliments for
Publishing the 'PAGAD-BHASA'
The first News Paper in ancient
Prakrit Language.
by-Shri Nirmal Kumar Sethi
President-Akhil Bharatvarshiya
Digambar Jain
Mahasabha, C.P., New delhi



णमो आयरियाणं

31 July 2015 गुरु पुणिमावसरम्

आयरियवङ्कमाणसायराणं णमोत्थु

VARDHMAN - SANDESH
The Famous Colour Magazine
from Kolkata

Editor : Ajeet Patni

Mob: +91 9339756995, 9831632074

Email : ajeetpatni@gmail.com



पुज्ज आयरिय विमलसायरस्स जम्मसइ अवसरम्मि

आयरिय विमलसायरदुगं



तुम्हं णमो सयल-साहु-गणाहिआणं, तुम्हं णमो
सयल-सीसं-सुबोहणाणं।

तुम्हं णमो सदुवएस-विवोहणाणं, तुम्हं णमो
विमल-सिंधु-गुणणवाणं ॥01॥

तुम्हं णमो तिजय-अत्तिहराण णाह, तुम्हं णमो सयल-संतिअराण णाह ।
तुम्हं णमो सयल-दुक्ख-विसोसणाणं, तुम्हं णमो विमल-सिंधु-गुणणवाणं ॥02॥

सूरिप्पहाण करूणामिय-साअराणं, तुम्हं णमो सयल-मंगल-पोसआणं।
तुम्हं णमो सयल-दुक्ख-हराण णाह, तुम्हं णमो विमल-सिंधु-गुणणवाणं ॥03॥

तुम्हं णमो चरणचक्क-हराण धीमं, तुम्हं णमो परममग्ग-सुमोक्ख-गामिं ।
तुम्हं णमोपरमझाण-तवो विराअं, तुम्हं णमो विमलसिंधु-गुणणवाणं ॥ 04॥

तुम्हं णमो परमसंति पदायकं, तुम्हं णमो णिमित्त-वरबोह-विसारदं।
तुम्हं णमो जिणव-भत्ति परायणाणं, तुम्हं णमो विमलसिंधु-गुणणवाणं ॥05॥

तुम्हं णमो सयल-चित्त-हराण णाह, तुम्हं णमो पबलबुद्धि-विकासायाणं।
तुम्हं णमो परमजोग-तवोधणाणं, तुम्हं णमो विमलसिंधु-गुणणवाणं ॥06॥

तुम्हं णमो परमधम्म-पभावयाणं, तुम्हं णमो परम तित्थ-सुवंदयाणं।
'सादवाद' सुत्ति सरणिप्पडिबोहयाणं, तुम्हं णमो विमलसिंधु-गुणणवाणं ॥07॥

आयरिय-वरियमनघं सुरविंदवंदं, वच्छल्ल-मुत्ति-मउलं विणिवित्त-दोसं ।
आदिच्च-रस्सिसम-कंति-वउ-प्पदित्तं, वंदे गुरूं विमलसिंधु-गुणणवाणं ॥08॥

Prof. Rishabh Chandra Jain 'Fojdar'
Director - RIPIA, Vaishali

इंटरनेट जुगे पागद-भासा अहोलिहिदलिकम्मि वि उवलद्धो अत्थि-

फेसबुगो सुत्तं : [https://www.facebook.com/pages/Prakrit-](https://www.facebook.com/pages/Prakrit-Language-and-Literature/376483559110083?ref=hl)

Language-and-Literature/376483559110083?ref=hl

Group - <https://www.facebook.com/groups/prakritlanguage/>

ब्लॉगसुत्तं : <http://prakritlanguage.blogspot.in/>

संपक्क सुत्तं : pagadbhasa001@gmail.com, +91 9711397716

TITLE - PAGAD BHASHA,
RNI - DELPRA/2015/59918, ISSN. 2454-5252
DCP (L) - NO. F.2 (P-22) PRESS/2014
LANGUAGE OF THE NEWS PAPER - PRAKRIT
PERIODICITY - HALF YEARLY
PRICE - FREE OF COST DISTRIBUTION

Printed Matter Posted Under P&T Guide Sec. 114(7)

To

.....
.....
.....
.....
.....
.....

STAMP

If undelivered please return to-
JIN FOUNDATION, Behind Nanda Hospital, A93/7A,
Chattarpur Extention, New Delhi-110074